

## Zaštita na radu – Čišćenje

COVID-19 se širi disajnim kapljicama koje nastaju kada zaražena osoba kašlje ili kihne. Osoba može uhvatiti virus dodiranjem površine ili predmeta na kojem je virus, a potom dodirivanjem vlastitih usta, nosa ili očiju.

Radna mjesta moraju se čistiti najmanje svakodnevno. Čišćenje deterdžentom i vodom je dovoljno.

Trebali biste:

- što manje dodirivati površine; postaviti znakove i podsticati svoje radnike da oni na to podsjećaju kupce i korisnike
- smanjiti broj dodirnih tačaka za radnike
- obezbijediti opremu za pranje ruku ili sredstva za dezinfekciju ruku na ulaznim i izlaznim mjestima, ako je moguće.

### Kako očistiti i dezinficirati

Prije dezinficiranja površine važno je prvo je očistiti. Prljavština i nečistoća mogu smanjiti sposobnost dezinfekcionih sredstava da se uništavaju mikrobi.

Morate pribaviti svojim radnicima odgovarajuće proizvode za čišćenje i dezinfekciju i ličnu zaštitnu opremu i osigurati da su naučeni kako ih treba koristiti.

### Koja je razlika između čišćenja i dezinfekcije?

**Čišćenje** znači fizičko uklanjanje klica (bakterija i virusa), prljavština i nečistoća s površina rastvorom deterdženta i vode.

**Dezinficiranje** znači korištenje kemikalija za ubijanje klica na površinama. Dezinfekciona sredstva su obično potrebna samo ako je površina možda bila kontaminirana virusom.

### Koje površine treba čistiti i dezinficirati, i kako često?

Sve površine koje se često dodiruju treba redovno čistiti, kao što su ručke na vratima, šalteri, telefoni, EFTPOS i pomoćne prostorije kao što su WC-i.

Površine koje su vidljivo prljave ili se po njima nešto prosulo treba što prije očistiti.

Dezinfekcija je potrebna ako je na radnom mjestu potvrđen ili se sumnja na slučaj COVID-19. Ako na vaše radno mjesto svakodnevno ulazi mnogo ljudi, preporučuje se da redovno dezinficirate.

## Šta ako je na mom radilištu neki slučaj COVID-19?

Ako imate slučaj COVID-19 na radilištu, vaš [državni ili teritorijalni organ za zdravstvenu zaštitu](#) reći će vam šta da radite. Slijedite njihova uputstva.

Vaše radilište se mora temeljno očistiti i dezinficirati prije nego što se ljudi mogu vratiti na radno mjesto.

## Šta je sa osobnim predmetima radnika?

Trebate reći svojim radnicima da osobne stvari koje koriste na radnom mjestu, poput naočala i telefona, redovno čiste koristeći maramice za dezinfekciju.

## Ako su sva sredstva za dezinfekciju rasprodana, mogu li napraviti svoje sredstvo za dezinfekciju?

Dezinfekciona sredstva koja se kupuju u trgovini ispunjavaju državne standarde, tako da znate da su efikasna. Međutim, i sami možete pripremiti rastvor za dezinfekciju koristeći sredstvo za izbjeljivanje i vodu. Morate pažljivo postupati s kemikalijama jer one mogu biti opasne.

## Šta moji radnici trebaju imati na sebi dok čiste?

U većini slučajeva nije potrebno da radnici nose zaštitnu odjeću da bi očistili svoje radno mjesto. Kao polazna stvar:

- rukavice su minimalna obaveza
- hirurške maske treba koristiti ako čistite područje za koje se sumnja da je dodirivao potvrđeni slučaj COVID-19
- ogrtači i jednokratna odijela nisu potrebni
- morate obezbijediti bilo kakvu osobnu zaštitnu opremu i naučiti svoje radnike kako da ih koriste na siguran način.



## Hoće li antibakterijski proizvod ubiti COVID-19?

Antibakterijski proizvodi napravljeni su za ubijanje bakterija. Međutim, COVID-19 uzrokuje virus, a ne bakterija, pa antibakterijski proizvod nije potreban.

Za čišćenje ruku su sapun i topla voda efikasni.

### Više informacija

Za više informacija o COVID-19 i zaštiti na radu, posjetite [Safe Work Australia website.](#)